



Inatsisartunut ilaasortamut

Erik Jensen

Siumut

09-06-2026
Suliap normua
2024 - 10523
Allakap ilisarnaataa
26527703

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
E-mail: miin@nanoq.gl
www.naalakkersuisut.gl

Angerlarsimaffiup avataanut inissiinerit pillugit §37 naapertorlugu apeqquteqaammut nr. 088-imut akissuteqaat

Inatsisartunut ilaasorta; Erik Jensen.

Apeqqutinnut qujanaq. Apeqqutit ataasiakkaarlugit akissutitalerlugit ataani allattorsimapput.

1. Meeqqanik angerlarsimaffiup avataanut inissiinermut aningaasartuutit piffissami 2018-imiit 2024 tikillugu 50%-ngajammik qaffassimanerannut suna pissutaava?

Meeqqat inuusuttullu angerlarsimaffiup avataanut inissinneqartarnerannut aningaasartuutit 2018-imiit 2024-mut amerleriarnarat – 50 pct.-ingajaat – pissutsinik ataqatigiinnik arlalinnik nassuiaatitaqarput.

Siullertut inissiinerit amerleriarsimapput. Ilutigitillugu inisseeriaatsini nikittoqarsimavoq, meeqqat inuusuttullu amerlanerusut ilaqtariinni paarsisartunut inissinnagit ulloq unnuarlu paaqqinnittarfinnut akisunerusunut inissinneqakkajunnerulersimallutik.

2021-miit 2024-mut kisiat isiginiarutsigu ilaqtariinnut paarsisartunut aningaasartuutit aalajaatsumi inissisimasimapput allaat 1 pct. missaanik ikilerialaarsimallutik (143 mio. kr.-it missaanniit 141 mio. kr.-nut). Taarsiullugu piffissami tassani paaqqinnittarfinnut inissiinermut aningaasartuutit qaffariangaatsiarsimapput: paaqqinnittarfinni imminut pigisuni 43 pct. missaat. Tamatuma aningaasartuutit katinnerisa amerliartornerat inisseeriaatsini akisunerusuni pilersinneqartut takutippaa.

Aningaasartuutit amerleriarnarat ataatsimut isigalugu inissiinerit amerlisimanerannik, inisseeriaatsinut akisunerusunut nikittoqarsimanerannik sullitalu pisariaqartitaasa katitigaanerisa annertusimanerannik pissuteqarput.

2. Inissiisarfinnut namminersortunut aningaasartuutit 2018-imiit 2024 tikillugu 80% sinnerlugit qaffassimaneri eqqarsaatigalugit, Naalakkersuisut isumaqarpat inissiisarfiit namminersortut qaffasippallaamik akeqartitsisartut?



Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni kapitali 5, § 49, imm. 2-mi allassimavoq, ulloq unnuarlu paaqqinnittarfinni imminut pigisuni akigitinneqartut ulloq unnuarlu paaqqinnittarfiit ataasiakkaat kommunalbestyrelsillu, imaluunniit kommuninit peqatigiittuni aallartitaq akornanni isumaqatigiinniareerluni aalajangersarneqartassasut.

Imaappoq ulloq unnuarlu paaqqinnittarfiit imminut pigisut kommunillu akornanni isumaqatigiinniarnikkut akit aalajangersarneqartarput.

Inissisarfiit namminersortut akisutisvallaartarnersut pillugit apeqqut assigiinngisitaarpoq. Ulloq unnuarlu paaqqinnittarfiit taakku meeqqanik inuusuttunillu pisariaqartitsinerusunik nalinginnaasumik tiguisarnerat, taamalu isumaginissaanut nukippassuarnik atuisarnerat isiginiassallugu pingaaruteqarpoq. Kommunilli ulloq unnuarlu paaqqinnittarfinnik imminut pigisunik isumaqatigiinniaangamik inissisimanerat ilungersunartumi inissisimapput, taamaalillunilu akigitinneqartut qaffasippallaalersinnaallutik.

3. Namminersorlutik Oqartussat ulloq unnuarlu inissisarfiutaannut aningaasartuutit 2018-imiit 2024 tikillugu qanoq annertutigisumik qaffassimappat?

Aningaasartuutit Deloitte misissueqqissaarnera naapertorlugu Namminersorlutik oqartussat ulloq unnuarlu paaqqinnittarfiit aningaasartuutit 2018-imiit 2024-mut 18%-imik amerleriarsimapput.

a) Qaffariaateqarsimappata tamatumunnga suna pissutaava?

- a. Aningaasartuutit amerleriarnersut pissutsit arlallit pissutaapput.
 - Ataasiakkaanut akit qaffannerat
 - Paaqqinnittarfiimi inissamik ingerlatsineq akitsorsimavoq
 - Sullitat katitigaanerat annertunerulersimavoq
 - Meeqqat inuusuttullu pisariaqartitaasa katitigaanerat annertunerulersimapput, tamatumalu sulisut amerlassusilerneqarnerisa annertunerulernerannik immikkullu ilisimasaqarnerulernissaannik piumasaqaatitaqarpoq
 - Aningaasartuutit nalinginnaasumik ineriartornerat
 - Aningaasarsianut ingerlatsinermullu aningaasartuutit qaffassimapput

b) Meeqqat inissinneqarsimasut amerleriarsimappat?

- a. Piffissami 2020-2024-mi meeqqat angerlarsimaffiup avataanut inissinneqarsimasut 6%-ip missaanik qaffariarsimapput, 882-miit 935-imut. Isumaginninnermut Aqutsisoqarfimmit paasissutissat naapertorlugit, meeqqat inuusuttullu Namminersorlutik Oqartussat ulloq unnuarlu paaqqinnittarfiini inissinneqarsimasut piffissami 2008-2020-mi 193-inik amerleriarsimapput. 2024-mi meeqqat inuusuttullu Namminersorlutik Oqartussat ulloq unnuarlu paaqqinnittarfiini inissinneqarsimasut kisitsit 143-nut ikileriarsimapput, tamannalu 2020-miit 2024-mut 40-nik ikileriarnersut. Inissiinerit amerlassusaat katillugit taamaammat amerleriarnersut, Namminersorlutik Oqartussat ulloq unnuarlu paaqqinnittarfiini kisitsit ikileriarnersut.

c) Sulisut amerleriarsimappat?

- a. Isumaginninnermut Aqutsisoqarfimmit paasissutissat naapertorlugit sulisut 2018-imiit (537) 2024-mut (595) amerleriarsimapput.

Sulisunik atuineq

Ukioq	2018	2019	2020	2021	2022	2023	2024
-------	------	------	------	------	------	------	------



Meeqqat inuusuttullu	238	241	402	331	357	347	293
Innarluuteqartut	299	293	445	321	339	335	301
Katillugit	537	534	847	652	696	682	594

4. Ulloq unnuarlu angerlarsimaffiit pisortanit pigineqartut amerlanerunissaat Naalakkersuisut kissaatiginngilaat?

Siullertut inissiisernerit amerlassusaasa ikilisinneqarnissaat kiisalu meeqqat inuusuttullu angerlarsimaffiup avataanut inissinneqartariaqartut ikinnerulernissaat tunaartaralugu suliniarnissaq Naalakkersuisut kissaatigaat. Inissiinerit pisariaqaraangata ulloq unnuarlu paaqqinnittarfinnut inissinnagit ilaqtariinnut paarsisartunut inissinneqarnerusalernissaat Naalakkersuisunit pingaartinneqarpoq, taamaalilluni ilaqtariit amerlanerusut meeqqanik inuusuttunillu assigiinngitsunik pisariaqartitsisunik piginnaasaqarlutillu atugassaqartitsilissammata.

Ulloq unnuarlu paaqqinnittarfinnut inissiinerni pitsaassutsip malunnaatilimmik pitsaanerulernissaa Naalakkersuisunit anguniarneqarpoq, taamaalilluni meeqqat inuusuttullu inissinneqarnerminni sapinngisamik pitsaanerpaamik tapersersorneqarlutillu ineriartorsinnaassammata.

Ulloq unnuarlu paaqqinnittarfiit pisortanit pigineqartut imminullu pigisut amerlineqarnissaat imaluunniit ikileqarnissaat pillugu apeqquq Naalakkersuisunit taamaammat taamaallaat aallaavigineqanngilaq, kisianni pinaveersaartitsineq, pitsaassuseq aaqqiissutillu ilaqtariinnik tunngavillit ukkataralugit meeqqanut ataasiakkaanut eqqortumik iliuuseqarnissaq qulakkearniarneqarpoq.

a) Taamaasimappat angerlarsimaffiit amerlineqarnissaat Naalakkersuisunit sulissutigineqarniarpa?

Meeqqat inuusuttullu inissinneqartut sapinngisamik toqqissisimanarnerpaamik peroriartorsinnaanissaat qulakkearniarlugu pisariaqartinneqartunik pitsaassusilinnik naammattunik inissiivissaqarnissaat qulakkearniarlugu Naalakkersuisut sulissutiguassavaat.

Inussiarnersumik inuulluaqqusillunga

Mariane Paviassen Jensen